



御注孝經

口仁18  
728





門仁12  
號728  
卷




御注孝經序

明治三六年七月十九日  
市島謙吉氏寄贈

左散騎常侍軍麗正殿循國史柱國武強

縣開國公臣元行冲奉勅撰



大唐受命百有四年皇帝君臨之十載

也赫矣皇業康哉帝道万方宅心四隩

來堅握黃炎堯禹之契欽日月星辰之



序提衡而運陰陽法繇而張禮樂車服  
 必軌聲明偕度所以振國容焉儀宿賦  
 班詳鞫授律所以清邦禁焉配圓穹而  
 比崇帀環海而方大无文咸秩能事斯  
 畢惟德是經惟刑之恤笙牖穆頌鱗羽  
 暉禎申耕籍以勸農飾膠庠而訓曹優

勞庶績緝熙眷圖聽政之餘從容文史  
 緹紬緝竹岳仞銅龍之殿舒向嚴收雲  
 鑿金馬之闥或散志篇述或留情墳誥  
 以為考者德之本教之所由生夫子談  
 經文該旨頤諸家所說理藹詞繁爰命  
 近匡疇咨儒學搜章摘句究本尋源鍊



康成安國之言銓王肅韋昭之訓述賢  
新注咸入討論分別異同比量疎密愬  
編呈進取正天心每伺休間必親披校  
滌除氛薈擗菁華寸長无遺片善  
必舉或削以存要或足以圓文其有義  
疑兩存理翳千古常情所昧玄鑿斯通

則獨運神襟躬垂筆削發明幽遠剝折  
毫釐目牛无全示掌非著黑葉堅滯一  
朝永釋乃勅宰臣曰朕以孝經德教之  
本也自昔銓解其徒寔繁竟不能覈其  
宗明其奧觀斯蕪漫誠亦病諸項與侍  
臣參詳厥理為之訓注冀闡微言且集



學士儒官僉議可否於是左散騎常侍

崇文館學士劉子去國子司業李元瓘

著作郎弘文館學士胡皓國子博士弘

文館學士司馬貞左拾遺太子侍讀潘元

祚前贊善大夫鄂王侍讀魏處鳳大學

博士郊王侍讀郊享大學博士陝王侍

讀徐英招前千牛長史鄆王侍讀郭謙

光國子助教鄆王侍讀范行恭及諸學

官等並鴻都碩德當代名儒咸集廟堂

恭尋聖義捧對吟咀探綉反覆至于再

至三勸色相歡昌言稱義曰大義堙鬱

垂七百年皇上識洞玄樞情融繫表華



前儒必固之失道先王至要之源守章  
 疏之常談謂窮涯淡視蓬瀛之奧理方  
 諭高深伏請頒傳希新耳目侍中安陽  
 縣男源乾曜中書令河東縣男張嘉貞  
 等奏曰天文昭煥洞合幽微望即施行  
 光采葉其序及疏並委行冲循撰制曰

可伏以經言簡約妙理精深貴賤同珍  
 賢愚共習故得上施黷敷遠被蒼恨至  
 若象丘丘山壞孔子宅義曾參至孝之  
 性陳宣父述任之由漢魏相公曾無異  
 說比經斟酌略不為疑凡諸發揮序所  
 在意既先見今則不書微臣朽老猥



職墳籍思塗艱室才力昏無震光曲

臨推謝理絕晞大明而挹耀頤宵燭

而知慙勉課庸音式遵明制敢題經首

永贊鴻徽云尔

孝經 御注

開宗明義章第一

仲尼居仲尼孔子字曾子侍曾子孔子弟

子曰先王有至德要道以順天下

民由和睦上下無怨孝者德之至道之要也

汝知之乎先代聖德

曾子避席曰參不敏何足以知之參曾子名

也禮師有問避席起答也敏達也言參不達也何以是知此至要之義也



曰夫孝德之本也

人之行莫大於孝故為德本也

教之

所由生也

言教從孝而生也

復坐吾語汝

曾參起對

故使復坐

身體髮膚受之父母不敢毀傷孝

之始也

父母全而生之已當全而歸之故不敢毀傷也

立身行

道揚名於後世以顯父母孝之終也

言能

立身行此孝道自然光榮其親故行孝以不毀為先以揚名為後也

夫孝

始於事親中於事君終於立身

言行孝以事親

為始事君為中孝道著乃能揚名榮親故曰終於立身也

大雅云無

念尔祖聿循厥德

詩大雅也無念念也聿述也厥其也義取

恒念先祖述循其德也

### 天子章第二

子曰愛親者不敢惡於人

博愛也

敬親者



不敢慢於人也廣敬也 愛敬盡於事親而

德教加於百姓刑于四海刑法也若行博愛廣敬之

道使一人皆不慢惡其親則德教加蓋天子蓋天子

之考也蓋猶略孝道廣甫刑云一人有慶

兆民賴之甫刑即尚書呂刑也一人天子也慶善也十億曰兆也義取也

天子行孝兆人皆賴其善也

### 諸侯章第三

在上不驕高而不危諸侯列國之君貴在人上可謂高矣而能

不驕則免危矣制節謹度滿而不溢費用約儉謂之制節

慎行禮法謂之謹度礼為驕奢恭為溢矣高而不危所以

長守貴也滿而不溢所以長守富也富

貴不離其身然後能保其社稷而和其



民人列國皆有社稷其君主而祭之言富

自和才字蓋諸侯之孝也詩云戰々兢々如

臨深淵如履薄冰戰々恐懼也兢々戒慎也臨深恐墜也履薄恐

陷也義取為君恒慎戒懼也

### 卿大夫章第四

非先王之法服不敢服服者身之表也先王制五服各有等

差言卿大夫遵守禮法不敢僭上儻下也非先王之法言不

敢導非先王之德行不敢行法言謂禮法之言德

行謂道德之行若言非法行非德則虧孝道故不敢為也是故非法不

言非道不行言必合法行必順道口無擇言身無

擇行言行皆合於法道所以无可擇言滿天下無口過

行滿天下無怨惡禮法之言寫有口過道德之行自无怨惡三



者備矣然後能守其宗廟

三者服言行也 禮卿大夫

三者則能長守宗廟之祭也

蓋卿大夫之

考也詩云夙夜匪懈以事一人

夙早也 懈惰也

義取為卿大夫能早夜不惰敬事其君也

### 士人章第五

資於事父以事母而愛同資於事君以

事君而敬同

資取也言愛父與母同敬父與君同也

故母取

其愛而君取其敬兼之者父也

兼謂有母之愛

有君之敬

故以孝事君則忠

移事父孝以事君則為忠矣

以敬事長則順

移事兄敬以事長則為順矣

忠順不

失以事其上然後能保其祿位而守其

祭祀

能盡忠順以事君長則常安祿位永守祭祀也

蓋士之孝



也詩云夙興夜寐無忝尔所生忝辱也

又母也義取早起夜寐无辱其親也

### 庶人章第六

由天之道春生夏長秋收冬藏舉分地用并

之利分別五土視其高下各謹身節由用

以養父母身恭謹則遠恥辱用節省免飢寒公賦既免則私養不闕也

此庶人之孝也庶人為孝唯此而已也故自天子

至於庶人孝無終始而患不及者未ト云トハ有

也始自天子終於庶人尊卑雖殊孝道同致而患不及者未有也言无此順故

曰未有也

### 三才章第七

曾子曰甚哉孝之大也參聞行孝无限高卑始知孝之



也為天 子曰夫考天之經也地之義也民

之行也經常也利物為義孝為百行之首人之恒德若三辰運天而有常五

土分地而為義也 天地之經而民是則之天有常明地有

常利言人法則天地亦以孝為常行也 則天之明因地之利

以順天下是以其教不肅而成其政不

嚴而治法天明以為常因地利以行義順此以施政教則不待嚴肅而成理也

先王見教之可以化民見下因天地教化人之易也 是

故先之以博愛而民莫遺其親君愛其親則人

化之無有遺其親者也 陳之以德義而民興行陳

德義之美為眾所慕則人起心之行也 先之以敬讓而民不爭禮

君行敬讓則人化而不爭 導之以禮樂而民和睦禮

檢其跡樂以正其心則人和睦也 示之以好惡而民知禁



示好以引之示惡以止之  
則人知有禁令不敢犯

詩云赫也師尹

民具尔瞻

赫也明感負也尹氏為大師周  
之三公也義取大匡助君行化

人皆瞻之也

### 孝治章第八

子曰昔者明王之以孝治天下也

言先代聖

明之主以至德要道  
化人是為孝理也

不敢遺小國之臣而

况於公侯伯子男乎

小國之臣至卑者  
耳主尚接之以禮

况於五等諸  
侯是廣教也

故得萬國之歡心以事其先

王

萬國舉其多也言行孝道以理天下  
皆得歡心則各以其職來助祭也

治

國者不敢侮於鰥寡而况於士民乎

國理

謂諸侯也鰥寡國之微者君尚不  
敢輕侮况知禮義之士乎也

故得百

姓之歡心以事其先王

諸侯能行孝理得  
所統之歡心則皆



祭事助其祭享也

治家者不敢失於臣妾之心

而况於妻字乎

理家謂鄉大夫大夫臣妾家之賤者妻字家之貴者

也

故得人之歡心以事其親

卿大夫位以材進受

祿養親者若能孝理其家則得小大人之歡心助其奉養也

夫然故生

則親安之祭則鬼享之

夫然者然上孝理皆得歡心則

存安其祭設享其祭也

是以天下和平災害不生

禍亂不在

上敬下歡存安設享人由和睦以致太平則災害禍亂无因而

起也

故明王之以孝治天下也如此

言明王以孝為

理則諸臣以下化而行之故致如此福應也

詩云有覺德行四

國順之

覺大也義取天子有大德行則四方之國順之行也

聖治章第九

曾子曰敢問聖人德無以加於孝乎

參聞



孝理以和致平又問德教更有大於孝否也

子曰天地之性人

為貴貴其異於

人之行莫大於孝孝者德之

本孝莫大於嚴父

萬物資始於軀人倫資父為天故孝行之

大莫過尊嚴其父也

嚴父莫於配天則周公其人

也

謂父為天雖無貴賤然以父配天之禮始自周公故曰其人也

昔者周

公郊祀后稷以配天

后稷周之始祖也郊謂圓丘祀天也周公

攝政因行郊天之祭乃尊始祖以配之也

宗祀文王於明堂以

配上帝

明堂天子布政之宮也周公因祭五方上帝於明堂乃尊文王祖以

配之

是以四海之內各以其職來祭

君行嚴配

之禮則德教刑於四海內諸侯各於其職來助祭也

夫聖人之德又

何以加於孝乎

言无大於孝者也

故親生之膝下以

養父母曰嚴

言子咳幼養於父母膝下即視无詐教之使為則為止則止



聽不傾提則捧手對則掩口故曰漸加嚴敬也

聖人因嚴以教敬

因親以教愛

父子之道簡則慈，孝不接，則怠，慢生焉，故出以就，傳趨

而過庭以教敬也，抑搔癢痛，懸衾篋枕以教愛也

聖人之教不肅

而成其政不嚴而治

聖人順群心以行愛，教制禮則以施政，教

故亦不待嚴肅而成理也

其所因者本也

不謂

父子

之道天性也君臣之義也

父子之道自天然，孝慈本于天性

生愛敬之心加以尊嚴，又有君臣之義也

父母生之績莫大焉

父母生子傳體相續，人倫之道莫大於斯也

君親臨之厚無重

寫謂父為君以臨於己，恩義之厚莫重於斯也

故不愛其親而

愛他人者謂之悖德不敬其親而敬他

人者謂之悖礼

言盡愛敬之道然後施，於人違此則於德礼為悖

也 以順則逆民無則焉

行孝以順民心，今即逆之則下无所



法則也

不居於善而皆在凶德

善謂身行愛敬也凶謂悖

其德也

雖得志之君子不貴

言悖其德禮雖得志於人上君

子不賈也

君子則不然

不悖德禮也

言思可導行

思可樂

思可導而後言人必信也思可樂而後行人必悅也

德義可

尊作事可法

立德行義不違道也故可尊也制作事業動得物宜故可

法之也

容止可觀進退可度

容止威儀也必合規矩則可觀

也進退動靜也不越禮法故可度也

以臨其民是以其民畏而

愛之則而象之

君行六事臨莅其人則下畏其威愛其德皆象於君也

故能成其德教而行其政令

上正身以率下順上而

法之則德教成政令行也

詩云泂人君子其儀不忒

泂善也忒差也義取君子威儀不差為人法則也

紀孝行章第十



子曰孝子之事親也居則致其敬平居必盡

其教也養則致其樂就養能致其歡病則致其

憂色不溢容行不心履也喪則致其哀擇踊哭泣盡其

哀情也祭則致其嚴齋戒沐浴明發不寐也五者

備矣然後能事親五者闕一則未為能也事親

者居上不驕為下不乱在醜不爭醜無也爭

也居上而驕則亡為下而亂則刑在醜

爭則兵將為兵刃所及也三者不除雖日由三

牲之養猶為不孝也三牲太牢也孝以不毀為先言上三

事皆可亡身而不除雖之日致太牢之養固非孝

### 五刑章第十一

子曰五刑之屬三千而罪莫大於不孝



五刑謂墨劓剕宮大辟也條有三千而罪之大者莫過不孝也

要君者无

上君者臣之所稟教命也而敢要君是無上也

非孝者无親善事

非聖者無法作禮法也

父母為孝而敢非之是無親也

此大亂之道也

言人有上三惡

皆為不孝乃是

大亂之道也

疏下

### 廣要道章第十二

子曰教民親愛莫善於孝教民禮順莫

善於悌

言教民親愛禮順无加於孝悌

移風易俗莫善

於樂

移風易俗先入樂聲變隨人心正由君德正之與變因樂而彰故曰莫善

於樂安上治民莫善於禮

禮所以正君臣父子之別期男女長

幼之序故可以安上化下之也

禮者敬而已矣

敬者禮之本也

故

敬其父則子悅敬其兄則弟悅敬其君

則臣悅

居上敬下盡得歡心故皆悅之

敬一人而千萬人



悅一人謂父兄君也千  
萬人謂子弟臣也所敬者寡而悅

者衆此之謂要道也

### 廣至德章第十三

子曰君子之教以孝非家至而日見之

言教不必門到戶至日見而談之  
但行孝於內其化自流於外也教以孝

所以敬天下之為人父者也教以悌所

以敬天下之為人兄者也舉孝悌以為教  
則天下之為人

子弟者無不致  
其父兄也教以臣所以敬天下之為

人君也為舉臣道以教為教則天下之  
為人臣者無不敬其君也詩云

愷悌君子民之父母愷樂也悌易也義  
取君以樂易之道

化人之則為天下  
蒼生之父母也非至德其孰能順民如

此其大者乎



廣揚名章第十四

子曰君子之事親孝故忠可移於君

以孝

事君則忠也

事兄悌故順可移於長

以敬事長則順

也居家理故治可移於官

君子所居則化故可移於

也官是以行成於內而名立後世矣

修上三德於內

名自傳於後代也

諫爭章第十五

曾子曰若夫慈愛恭敬安親揚名則聞

命矣敢問子從父之令可謂孝乎

命事父有陰

无犯又敬不違故疑而問也

子曰是何言與

有非

而從成父不義理所不可故再言也

昔者天子有爭臣七

人雖无道不失天下諸侯有爭臣五人



雖无道不失其國大夫有爭臣三人雖

无道不失其家

降殺以兩尊卑之差爭謂諫也言上雖无道為有爭

臣則終不至失天下亡國家也

士有爭友則身不離於令

名

令善也益者三友言愛忠告故不失其善名也

父有爭子則

身

不陷於不義

父失則諫故免陷不義

故當不義則

子不可以不爭於父臣不可以不爭於

君

不爭則非忠孝

故當不義則爭之從父之令

又焉得為孝乎

應感章第十六

子曰昔者明王事父孝故事天明事母

孝故事地察

王者父事天母事地言能敬事宗廟則事天地能明察也

長幼順故上下治

君能順於長幼則天下皆効上无不理也

天



地明察神明彰矣

事天地能明察則神感至誠而降福祐故

也曰彰故雖天子必有尊也言有父也必

有先也言有先也宗廟致敬不忘親也

父謂諸父兄諸諸兄皆祖考之胤也禮君讌族人與父兄齒言能敬事宗廟則不敢忘其

親也脩身慎行恐辱先也天子雖无上於天

其行恐辱先祖而毀盛業也宗廟致敬鬼神著矣宗事

廟能盡敬則祖考來格享于克誠故曰著矣考悌之至通於

神明光于四海無所不通能敬宗廟順長幼以極孝

悌之心則至性通於神明克於詩云自西

自東自南自北無思不服義取德教流行莫不服義

義從化也

事君章第十七



子曰君子之事上也進思盡忠進見於君則思

盡忠節也退思補過退歸私室則思補身過也將順其

美將行也君有美則順而行之匡救其匡正也救止也君有

過則正而止也故上下能相親也下以忠事上以義接下故能

相親也也詩云心乎愛矣遐不謂矣中心藏

之何日忘之遐遠也義取匡心愛君雖離左右不謂為遠愛君之志恒藏心

中無日慙也

### 喪親章第十八

子曰孝子之喪親生事已畢死事未見故發此章也矣

不偯氣竭而息聲不委曲也禮無容觸地无容言不文

不為文飾也服美不安不安義飾故服縗麻聞樂不樂志在

悲哀故不樂也食旨不甘旨美也不甘美味故去酸醎也此哀感



之情也三日而食教民無以死傷生毀不

滅性此聖人之政也不食三日哀毀過情有致危弊皆虧孝道故聖

人制礼施教不令至於墮滅也喪不過三年示民有終也

三年之喪天下之達礼也使不肖者企及賢者俯從雖以三年為父其實廿五月為

棺槨衣衾而舉周尸為棺周棺為槨衣衾被也舉謂舉

也陳其簋簋而哀感之也陳尊素

器也而不見親故哀感也擗踊哭泣哀以送之男踊女擗袒戴

也送之卜其宅兆而安措宅墓穴也兆塋域之葬事大故卜之

為之宗廟以鬼享之春秋祭祀以時思

之且廟祔宗祖之後則以鬼礼享之寒暑變移以時祭祀展其孝思之也

生事愛敬死事哀感生民之本盡矣

死生之儀備矣孝子之事親終矣愛敬哀感



孝行之始終也備陳死生  
之義以盡孝子之情也

御注孝經

後小松院御讀書之始吾高祖父

後押小松内府意奉書進之本也

先考校三條入道左府禪空不慮

相傳以所付予也今与龜童公以

令知孝者德之本也

文明十八姑洗下院日 業門祥空



此本龍翔院右府防州下向之日

被隨身之予記注事以便風求

之則書寫畢於本主送送校

國者也

享祿章印後月不漸忘習書空

右件本端一兩枚有字予覓他本加朱墨兩字了  
于晴天文第三六月十六日凌炎蒸終印 都督即公條

右道遙院內府公實隆真跡開元御注孝經一卷往歲

獲諸牛込門外書肆今茲摸刻以傳世跋曰原本

後小松帝御用者夫孝經用玄宗注始自貞觀以距

于今凡九百有餘年矣弘贖嘗疑謂古書之存於

我邦者居多而特不見焉宗注孝經古鈔本近偶得

而讀之其成在開元十年而石臺之經奏於天寶之

初其間相距廿餘歲試取石臺之本校讐之正義謂

舊註者咸合而石臺之改竄昭然明矣註疏序天寶

二年註成頒行天下者蓋似不知有舊注也而此卷

闕疏為恨維然今之正義多存元疏之舊何以知之

正義序曰剪截元疏若感應章長幼順故上下治下



疏與注不合及見此李乃知字句用元疏而不改化也吁嗟微此卷則何據明之乎可謂奇矣元氏序往佚于彼今存于此亦復奇矣其可不刻而傳哉寬政十二年五月九日源弘賢識

井上慶壽刻

通引  
4/1



